

外科醫鏡治驗目錄

腎巖翻花

腎巖翻花治驗

一俞大海腎巖翻花

一馮姓男子腎巖翻花

一友人某君腎巖翻花

魚口便毒橫痃癰疽下疳

魚口便毒橫痃癰疽治驗

一男子年二十五六歲片紅洩血

一男子年近五旬下疳

一賣油人年四十外橫痃疽

一男子橫痃

一小孩夏令濕熱橫痃

一男子年二十外橫痃

一女孩股陰毒

一男精子聚

一文案某君年三十外下疳

一男子下疳

一 同鄉某友橫痃

一 婦人左胯結腫

一 婦人陰旁結腫如茄

一 男子淋症

一 某公子馬口紅癰

一 幼妓年十四歲染毒

一 陸姓年三十上下淋症

一 同鄉某龜頭爛去一半

一 童子年十五歲冬天浴後受風莖腫

一 友人某白濁

一 婦人右胯結腫

一 金姓年三十四五歲股陰疽

一 男子下疳

一 農夫橫痃塊

一 老妓素玉年四十八九歲陰茄

一 友人某下疳

一 某妓年六十歲下疳

腎巖翻花

按腎巖翻花一症古書均未載及惟高錦庭言之鑿鑿在古人未見此症自無可言而高錦庭既有所見故特發明此症以告後人予生平僅見有三人醫者皆以毒瘡治之予獨指爲肝腎鬱火然亦有不盡然者茲特將予所見三人分列於後一俞大海距予寓有四里遙地名周家谷是處近山一日俞入山採樵自晨至午覺疲極遂憩息大石坂上朦朧間忽覺陰莖若有物嚙之急解下衣看視見山螞蟻十數頭齧集禪內心知是被此物所嚙頓覺陰莖皮上奇癢異常急歸家以明矾花椒泡水洗之洗時覺癢稍止次日癢處皮已浮腫仍復奇癢異常再用明矾花椒泡水洗日洗三四次腫勢愈甚邀里中一醫治療不知用何等藥末令其泡水日洗三四次愈洗愈劇並未服藥旋龜頭亦焮腫不堪病者因屢治不痊遂聽任自然詎龜頭外皮驟然開裂疼痛呼號徹夜不止又邀一走方醫者治之且議定包治該醫日視一次專尙外治內不服藥閱一月餘仍然無效

乃託予友介紹邀予診治見其呻吟之聲不絕於耳陰莖已不能辨其形狀渾如假山石一塊巉巖峻峭時流臭水穢不可近予掩鼻細察一週束手無策病家乃邀隣人探予口氣意欲包治予曰此病毫無把握實屬無法醫治望另請高明可也病人答曰已請多醫治療無效務乞先生援手且令其妻子環求予欲卻無法謂曰吾必盡心治療俟二三次後有何情形再議於是外用玉紅膏攤油紙上貼之內服川草薺銀花人中黃柴胡炒山梔黃柏龍膽草車前澤瀉等先解肝腎鬱火三劑後病勢毫無動靜疼痛略見輕減仍照前方加細生地防風三劑腫爛情形仍無動靜乃外用炙鱉甲黃柏鳳凰衣柴胡山梔青黛輕粉呢片研末香油和膽汁調敷內服細生地地骨皮柴胡蘆薈杭白芍當歸金銀花人中黃等服後疼痛已除臭水亦少其潰爛處從前鮮紅者至此亦轉淡色矣予見此情形胸中稍有主宰外面仍敷昨藥內改服黃芪防風當歸澤瀉忍冬籐炒白朮茯苓酒炒牛膝等又兩劑後巉巖漸平漸欲收斂大約再兩月

可以完功不料其中表某由外歸家特來看視且曰此病有何難治力任可以
保好病人爲其所惑遂癡心乞其醫治而某亦直任不辭遂向藥肆配藥藥資
悉某自出豈知自午間上藥後至晡時已痛不可耐病人欲將藥洗去某力阻
不可云明日必大見功效何不少忍待之病人姑忍痛以待迨至明日陽莖紫
黯疼尤劇烈難忍須臾病人不得已私自將藥洗淨某聞之頓足且歎且責後
聞是夜病人竟因疼痛難忍自縊而歿

按此病經予治療甫有轉機以爲收功有日不料其中表某忽由外來送此妙
方致戕其生良足悼矣聞其中表從前曾患下疳經醫治愈後不知如何盜得
一二醫方視爲千金不傳之秘適見此病與下疳無異偶一試之竟至殺人可
不懼歟

一馮姓男子年四十五六歲先患下疳醫治年餘終不獲痊始則龜頭腐爛繼又
外皮浮腫久久裏外均腐爛不堪邀予診時已兩週年矣見其陰莖脫去大半

外皮纖悉靡遺汁水淋漓疼痛夜甚日晡潮熱面色痿黃且滯形神困頓猶能勉強支持幸飲食尚可每飯兩碗予曰生機即在是矣乃外貼玉紅膏和白靈丹攪入內服黃芪炙龜板黨參炒白朮茯神陳皮甘草細生地當歸酒炒牛膝等五劑疼痛少減仍照原方加枸杞果又服五劑潰爛處已漸長新肉外仍用白靈丹攪入玉紅膏內貼之內改進

野黨參 四錢

炙鱉甲 四錢

野於朮 二錢

大生地 四錢

炙龜板 八錢

丹參 四錢

大麥冬 四錢

歸身 二錢

炙甘草 一錢

柴胡 一錢

炙知母 二錢

炒黃柏 二錢

淡菜三枚爲引

此方連服十劑已滿長新肉且漸欲收斂仍照前方併成十劑加豬脊筋十條煎汁用白蜜收膏每服三四匙早晚不拘時服開水送下外仍用玉紅膏加入八寶丹貼之初令日易一次五六日後間日易一次又五六日三日易一次再四五次瘡口收斂惟外皮與陰莖合而成一不復辨其皮與莖矣

按此病頗屬危險倘或其中阻隔或信之不堅斷難奏效

一友人某君素好治遊夏天患袖口疳始尙諱莫如深亦不求治迨至龜頭爛去小半始急而求醫遂向懸壺市上包治花柳者買秘藥治之內服外敷未七日而愈方且欣欣然頌賣藥者之神效也不知毒已入骨將爲終身之累矣次年春仍由舊處復發初覺微癢繼則龜頭連及外皮浮腫寒熱交增不數日外皮腐臭旋見龜頭洩去大半於是向西人藥房買花柳消毒水掃之愈掃愈爛因飛函來邀予治見其陰莖外皮盡脫莖亦僅存一半然其形尙如假山石巉凸嶙峋疼痛不堪言狀無膿惟流臭水房中雖焚香亦不能解其穢予爲反覆細視並詳訊其病原渠即以前情告之予轉展尋思竟無法想忽悟藥肆秘方無非升丹輕粉欲治此病須先除此毒然後方可設法外用玉紅膏稍和青九一丹攪和貼之內服化毒丹方用

琥珀一錢

滴乳石一錢

橄欖核一錢

台麝二分

犀黃五分

珍珠一錢

燈草灰三錢

梅片二分

右研細末分作十二服每用鮮土茯苓半斤煎水送一服如此十餘日疼痛少減臭水不流改流稀膿味仍臭穢復邀予治仍令再服一料後再議又十餘日伏毒已化膿不臭穢外改用白靈丹攪入玉紅膏內攤紙貼之內服

鮮土茯苓二兩

潞黨參四錢

東阿膠二錢

金銀花四錢

生黃芪六錢

茯神四錢

黃柏一錢

枸杞果四錢

炙黑草一錢

龜板膠四錢

歸身二錢

炙香紅棗三枚

右方連服十數劑陰莖上已生皮尿道口仍前無異愈後常恐其細君見之爲所嫌惡此亦可爲失足花柳者戒

魚口便毒橫痃癰疽下疳

凡魚口便毒發生腿根之上少腹之下胸間摺中屬足太陰脾足厥陰肝經書云左爲魚口右爲便毒但便毒魚口初無分別每見瘡已成形成患者畏懼刀針醫者

亦不敢擅動遂致延令自潰瘡口潰大立則口張坐則口閉厥狀似魚之口故有是名其實魚口便毒名雖殊而病則一也論其致病原因至爲複雜大概可別之爲六一由濕熱注聚肝脾一由交合之時戀戰忍精強不發泄遂至敗精瘀血流滯中途結而爲腫一由與娼妓等交接縱慾無度泄後神疲猶復留戀不捨致爲妓女宿毒所染因而結腫然此由傳染而來者每見先患下疳隨後胯間結腫而成此症一或平日情慾甚熾及至臨事又懼不潔欲泄不泄遽爾抽身排泄未暢厥流因茲而成結腫又或兩情相愛樂意倍濃一度休鼓勇復戰再接再厲精液已空猶復不忍分離遂致氣不運血血瘀結腫又或擔輕負重或從高墜下或自下努上血與氣凝因而結腫以上所述皆魚口便毒之所發源也初起結核如李如桃漸如茄皮不變色有半月一月成膿者有三月兩月終不成膿者在受病之淺深與治療得法之分耳若橫痃癰亦與上述之症無甚分別倘非因毒而得均可謂爲橫痃癰惟此症多患在農夫及小本營業之人小兒亦常見之大都濕瘀

交阻而成初起摺紋結核如杏如桃漸如茄淺者七日成形深者十四日成形膿成刺破收功亦易若橫痃疽與前諸症迥不相同緣此係三陰虧損風寒濕邪乘虛裏襲初起先於摺紋隱隱痠痛筋脈掣急並無結核漸漸腿根痠起步履艱難皮色不變內熱口渴午後爲甚四五十日纔能成形若早治之見其有膿即速用刀刺破亦可收功如或失治必至潰傷內膜且與內臟距離頗近每多釀成膿乾氣絕最屬危險至於下疳一症概由與娼妓爲不潔之交接而其由濕熱而成者蓋寡良由妓女閱人既多每當交接之後縱以水洗滌之而其留滯於內之粘液亦豈能盡淨况土妓流娼朝張暮李更有洗滌不遑者耶每有兩精相遇而成妬精瘡者即其明證此症或發生於龜頭或尿道口兩旁或包莖處或外皮上初起粟粒微癢微痛日漸延開竟有日久不痊者亦有宿娼後七八日即患白濁甚至經久不愈白變爲紅者俗所謂片紅片白是也如初患是病即用金銀花甘草花椒泡水日三四洗可免轉成下疳若聽之不洗或畏人知不洗必變瘰癧無疑治

法初起亦惟有分利而已輕宜八珍散重則瀉肝湯切不可請專門是症者治療以彼全藉升丹輕粉水銀取效但圖近功驅毒潛伏骨髓一朝倒發不可收拾可不慎歟

治驗

一男子年二十五六患片日月餘轉成片紅就予診治詢知病由娼妓而得現在惟溺鮮血溺時尿道口痛如刀刺直澈於心診其兩手脈象左尺滑數此則小腸必有瘀熱遂用加減小薊飲子方列左

小薊炭 五錢

藕 節 五錢

當 歸 三錢

甘草梢 三錢

蒲黃炭 布包 三錢

木 通 三錢

滑 石 五錢

竹 葉 三錢

鮮生地 七錢

黑 梔 三錢

扁蓄草 五錢

上琥珀 研沖 七分

此方連服兩劑又來就診據述病已全愈惟恐餘毒未淨貽留後患乃爲照方加土茯苓四兩又服四劑諸病霍然

一男子年近五旬喪偶數年無故忽生下疳龜頭兩旁初起如黍米大兩粒紅瘰微癢自買銀花甘草泡水洗之有時日洗一次有時兩三日不洗緣其房屋狹小兒孫滿前不便常洗故也如是兩月瘡口大如黃豆邀里中醫治之服大敗毒湯兩劑精神疲極飲食少思自係藥味苦寒有傷胃氣所致其瘡口亦仍如舊又綿延兩月予適道經是處病人乃就便邀予一診見其瘡口雖大如豆粒內並不深僅破浮皮色亦淡紅毫無毒象不過濕熱浸淫而已詢其曾醫治否渠將前服藥方與閱予曰病輕藥重是謂過劑此病不治亦愈祇要勤洗久久自痊病者求爲擬方予用

人中黃 二錢

柴胡 二錢

澤瀉 二錢

金銀花 四錢

滑石 四錢

連翹 四錢

炒黃柏 二錢

川草薢 八錢

車前子 包布四錢

通草 一錢

此方連服數劑而痊

一賣油人年四十外忽右腿胸無形疼痛行動疲軟初尙勉強支持迨月餘病勢日劇乃邀予治見其右腿虛腫按之鬆軟不能轉動反側並無根盤虛寒虛熱自汗盜汗此乃三陰虧損寒濕注聚爲患外用散膏稍加肉桂貼之內服大生地鹽水炒杜仲枸杞果狗脊川斷當歸木瓜製附片杭白芍桑寄生秦艽川桂枝絲瓜絡牛膝等連服兩劑病勢無增無減仍照前方又服兩劑大腿伸屈稍覺活動寒熱已無予乃改用陽和湯加味與方而去適其岳來視見予方有麻黃詆爲大謬次日令將病人用簸籬昇至城內請繆禮和治之用亦係溫和通絡之品連往就診三次方既無甚出入病亦不見增減病家又心惑改請黃惠卿治療黃方亦悖謬惟方用歲靈仙三錢未免過泄真氣連診兩次服藥五六劑精神益不如前形容瘦削不堪納穀甚少虛寒虛熱復作自始起至今幾及兩月已將造膿其時病家不知又爲何人慫恿復邀予治見其形神狼狽頭紫花紙一張不解其故詢係巫者所爲隨按腫處仍鬆軟但較前稍大大腿轉動

非人幫托不可予反覆躊思無一善法姑用人參養榮湯加酒蒸牛膝與服兩劑後無動靜復由其戚薦蔣心一診治所服何藥未見其方無從意度又四五次內膿已熟蔣即用針刺破膿出不少至十二三日後忽膿水全無有謂其病將瘥者有謂如此大症出膿僅十數日遽斷勢恐有變議論紛紜莫衷一是乃邀予與黃蔣合診予先到黃繼至蔣則未見余見此病情遇黃來告曰此病雖名橫痃疽股陰疽實係膿乾氣絕之症萬無生理黃問何故予曰三陰虧損寒濕乘虛襲裏始終宜固三陰爲主逐寒濕佐之或可僥倖萬一若稍一夾難決無生望同黃共擬一方用黨參大麥冬五味子金石斛玉竹等予與黃去後蔣始來謂病家可放寬心決無妨礙不信我可包治病家聞之喜不自勝當即交與包治藥資若干則不知其詳越七八日早見其鄰人某代買棺木詢之答曰昨晚已逝世矣

按此症可名橫痃疽又可名股陰疽王洪緒曾云是處不可妄用刀針動則必

死即指此等症而言後學認症不明徒執其說以爲證蓋失之遠矣
再此症針破固死不針亦死所謂因虛致病非因病致虛也

一男子偶或勞苦其胯間左右即結癰如茄且寒熱大作俗名橫痃塊脹少休數
日則泯然無形諸病若失年輕時年僅病一二次漸至三四次厥後按月一發
再後十日半月一發甚至三日五日一發後竟不能日離床褥蓋緣年齡日長
精力日衰故也每當發時腿痠脚軟腫塊仍前並不高大亦不作膿病已十五
六年從未延醫服藥至此病日加劇宛成廢人始邀里中某醫治療外用宣木
瓜紅花香蔥紹酒煎湯薰洗內服獨活寄生湯方頗中肯惟病重藥輕投以數
劑不應又自買虎骨酒服之亦無效驗淹纏床褥年餘乃邀予治見其形若死
灰貿然見之直疑爲鬼物其胯間結腫不過如鵝鴨卵大按之似頗活動腿亦
伸屈自如但疲軟不能站立予詳詰所繇知其始係屬因勞致病努力傷筋厥
後精氣日虧風寒濕邪乘虛裏襲則此腫塊乃係筋脹並非癰疽結腫之比遂

告以此病祇可緩圖若急切奏功則僕無能爲力病家曰無論如何遲慢總求先生設法予答曰在現在汝等意固堅定儻沿一二月無甚效驗難免心急亂投醫藥必至令僕前功盡棄病家矢口不移並謂此病生死已置之度外決無變更予乃爲用虎骨膠龜板膠肉桂製附片炒茅朮桑寄生蠶沙牛膝木瓜桑枝松節紹酒等囑令服十劑後看如何再議果如數照服又邀予診見其脰間腫塊半已消去再服十劑泯然無迹惟兩腿疲軟迄不見痊又照前方服二十劑疲軟依然惟略能起坐予曰此後不需湯藥仍以前方增減令其泡酒常服方用

虎脰骨 二兩

狗脊 一兩

川桂枝 一兩

陳皮 五錢

尋骨風 一兩

杜仲 一兩五錢

五加皮 二兩

炒茅朮 一兩二錢

茯神 二兩

鹿角膠 一兩五錢

當歸 一兩五

牛膝 二兩

杭白芍 二兩

絡石籐 四錢

獨活 八錢

秦艽 一兩六錢

炙乳香 四錢

絲瓜絡 一條

桑枝 一斤

右用紹酒十五觔同藥入罈先泡一宿次日隔湯燉煮一炷香爲度罈口用布數層紮緊弗令泄氣每早晚隨量溫飲一二杯服盡已漸能扶壁而行又兩料平復如初然此病經予一手治愈前後將及一年若病家信之不堅安得完成一小孩夏令胯間結腫初如桃漸如茄七八日已瘡頂高凸薄皮剝起色紅來就予治見其瘡頭如此內膿已熟即用刀刺出膿兩杯外上升丹紙捻內服

柴

胡一錢

牛

膝五錢

川

芎一錢

連

翹二錢

當

歸五錢

赤

芍五錢

澤

瀉五錢

丹

參二錢

甘

草一錢

桑

枝四錢

此方服兩劑而痊 按此乃濕熱爲患且係小兒純陽之體故治之較易

一男子年二十外夏令胯間結腫初如桃漸如覆碗不甚疼痛少覺癢楚微寒微熱腿曲不伸邀里中一醫治之指爲縮脚小腸癰重症診兩次無效乃昇來就診予見其根盤雖大而瘡頭平塌色微紅按之有如棋子一塊引手四圍尙堅